

豫章叢書

第一四二冊

雪坡舍人集卷十六

新昌 姚勉 著

從子龍起 編

詩

梅境

仙家瓊林天移來在江國誰與境中人山立如玉色

桂莊

不求二頃田只種桂爲莊秋滿黃金粟飽餐風露香

仁山

山爲仁者壽克復個中論坐與茲山對悠然天地春

題月磯詩藁

古苔磯上立釣爲月明垂夜半清歌起無魚釣得詩
湖上釣者

荷風湖面曉垂釣柳陰中何日能蓑笠扁舟此興同
題雪竹扇

此君腰不折玉立有餘清曉窗擁鼻吟聽渠落冰聲
王君猷花圖八絕

海棠城

家住山水國種花以爲城詩將日登陣圍春驅酒兵
薇香洞

密粟出濃紫幽花間深黃有誰吟其間含香一薇郎
若春

靜中見萬物各各有春意收拾入襟懷陽和散天地
花谷

羣花各嬌春粲若錦繡谷於焉日逍遙中有人如玉
橘隱

商山不茹芝對奕寄此橘巴人忽招隱似爲子房出
臨清橋

通渠入小池循除瀾瀾鳴羣魚忽悠然過橋聞屐聲
山屏

一逕綠陰去隱隱花竹幽主人地行仙終日杖履遊

鑑池

春風鑑池水長年弄清暉仙翁晚歸來子孫笑牽衣

感山十詠

書於雲卧菴壁間

松關

舍舟上招提遙入松林間透脫塵俗網是名第一關

翠鎖

濃綠滴濕衣煙嵐翠交鎖名疆莫能繫方此不失我

感山

山以感爲名可見天地情萬籟恬不作風來自松聲

石橋

石梁平砥似池水明鏡如晚涼散步穩凭欄此觀魚

華嚴堂

寂寂華嚴堂富貴佛境界何須九九編吾有良一卦

旃檀林

心清聞妙香宴坐旃檀林座香元不斷莫作死灰心

慈航

佛手撐慈航向欲濟我人寄語作舟者江濤渺無津

甘露臺

有唐太和年宮中亦甘露曾不如此臺空山自甘霖

雪窗

地鑪宿松火紙帳橫梅枝春蠶撲蔌蔌惟有蒲團知
雲卧菴

動靜意誰知妙處作塊坐高人定不死枕此白雲卧
先賢八詠

三閭緇蘭

三閭緇佩秋志在公子蘭荃不察子衷江干淚潺湲
濂溪愛蓮

斯蓮君子花幾爲佛所汙先生獨拈出萬世知向慕
靖節採菊

腰不爲米折頭獨採菊低晚節名元亮思與隆中齊
和靖探梅

孤山養孤鶴宜與梅爲鄰處士若輕出梅花應笑人
嵇康撫琴

先生人中豪志不肯司馬一曲廣陵散絕世不可寫
謝安圍碁

安石廊廟姿豈不閑將略氏奴驚偉人良已先得着
杜甫吟詩

平生忠義心一飯不少忘臣甫寧餓死願君堯舜唐
李白醉酒

雪景四畫
殿前伸脚時奴視高力士羣閹旁吐舌翰林醒不醉

題剡溪乘興

山骨凍稜稜溪色清練練溪山中雪月如對故人面
門高隱廬深舟振征柁轉勿云興已盡不見乃真見
寒江獨釣

殘蘆堀欲乾枯柳折已集彼舟者誰子披此玉蓑笠
寒鱗正依藻垂餌安可及此興不在魚攜竿雪中立
霸橋騎驢

飄飄風中雪漉漉橋下水雪寒換清骨水淺漱塵耳

詩情散天壤妙處乃在此得得欲似蘼岸梅是知己

藍關擁馬

雲尙橫秦嶺天際杳朔陽我馬不能前吾骨復已僵
仰視雪中峯萬仞摩蒼蒼非馬度藍關騎龍白雲鄉

謝久軒蔡先生惠墨九首

墨以傳千古文章之印爲韻

孔鐸經百年誣世有楊墨天生子與氏邪說一以息
紫陽曾未遠人復詆無極先生嚴衛道功比異端闢
使從武夷來惠我墨長尺黜然禹玄圭上有久軒字
他珍不余畀遺此良有以天未喪斯文誓將立人紀
孔學授顏曾有孫復能傳道脈萃一家壽此嗜其天

西山宗紫陽妙會眾理全先生嗣派嫡再演中庸篇
軒冕儻來物豈足羈聖賢素王萬世功杏壇誨三千
平世膺戎狄事功止當年六經發蒙蔀今古日在天
巍巍無極翁昌代正學祖生從道州地如孔出姬魯
西山道州派上接濂溪武天意豈偶然真傳紹先古
科目動榮想葩華競浮文旣獲釣名位鄙夫豈知君
愚生不此志願策堯後勲蕞軀夕可死但欲朝有聞
寥寥六經餘天下無文章楊韓特近似班馬熏何香
道至文亦精萬世朱紫陽願言楫滄海安敢航絕潢
世路旣如此皇皇欲何之閉門事古學妙處儻可窺

欣然或會心俯仰得自怡先生惠終教勿作門牆麾
握衣憶初時謹獨拜明訓冥途方撻殖夷軌忽發軔
始知顏四勿於此道有進敢云聖賢遠二字古心印
和楊鐵菴送子監鎮之任韻五首

關西夫子家清白乃世傳傳授已到君此脈要渾全
青雲開亨衢況及此妙年願言植名節照映東西川
君家遺子藏只在一卷書四世續科第積善慶有餘
乃翁一片心秋月行太虛宜哉有是子大似回不愿
去年唱第時文陣見整齊萬花迎歸來白馬黃金羈
及今催成瓜步武青雲低風埃濫上征飄飄乘白鷺

初仕謂之筮已是行道時爲官要自強謹勿事詭隨
一命可及民官正不論卑當令淮壘清犬眠足生鶩
文章世家難有子夫何憂吾亦有青瑣未作箕裘謀
駕轡不及驥汗喘徒呀駒願隨君後塵擊楫江中流
番陽張君叔振觀子以其家雙瑞圖俾詩之叔
振大參忠定公諸孫也惟忠定公政和八年魁
天下某先世實隸其榜今某於叔振令子若鳳
爲同年生世科之契也又何辭雖不能詩謹課
二首

望月犀角明涵星蚌胎聚斯石卧龍枕宜有蜿蜒具

龍頭君家舊有子踵高步層雲觸石出四海望甘露
堂堂忠定家三世蘭爲祥父子繼科第菲菲姓名香
雙英今復然階庭燁生光願言紉佩之百世當流芳

贈星學彭砥齋

彭君妙星數爲人說窮通壽祿時磨鈍是名砥齋翁
我鈍不可磨礪礪煩良工寸鐵足剗墓遙遙廣寒宮

贈月堂涂相士

衡門選龍首摸索未容易龍首許黃扉卻亦非難事
濟物乃素心好爵豈予志時來亦不辭焉用早諛媚
人皆以貧憂

人皆以貧憂君子獨能樂中心賤榮利外物甘寂寞
富貴如春花時去易凋落不如一簞瓢可以長處約

雪坡舍人集卷十六

雪坡舍人集卷十七

新昌 姚勉 著

從子龍起 編

古風 五言

送廬陵郭僉判致仕歸 并序

某聞士君子之進退風俗厚薄之所關也雖然巧
進易勇退難進而得富貴以榮一時易退而立名
節以垂後世難一時之榮輕于後世之不朽也而
世俗之人醉名利之膠甘爵祿之醪味鮮衣華求
得所欲亦孰肯捨其適心快意之地而從事于寂

寔之濱哉君子則不然雖能無心於求名不能無
心於立節進而得富貴以不義吾寧保吾名節退
而得貧且賤也君子豈求異於人哉輕所當輕重
所當重不肯以此易彼耳是故難進而易退焉君
子之易常人之難也漢西都時風俗偷情疎廣受
始立高節以障頽波然而世知賢其人終未知蹈
其節自晉而下有張季鷹陶淵明一以尊鱸去一
以松菊歸在李唐時則有裴晉公白太傅皆以強
健乞身去之數君子其爵位雖殊名節一也本朝
風俗最淳節槩相尚在上位如韓富歐陽司馬諸